

Date – 29/05/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Khawchin thlirlawknaah vawiin hian ruah tam tak a sur theih avangin Mizoram Sawrkar chuan zirlaite him zawk nan zirna in a khar.
2. Union Minister of State Women & Child Development Pi Savitri Thakur chuan Mizorama Sawrkar hmalaknate thlithlaia ni 3 cham turin Mizoram a rawn tlawh.
3. Manipur-a MLA 10 rualte chuan nimin khan Raj Bhavan-ah state Governor Ajay Kumar Bhalla hmuin mipui thlan sawrkar din tura hmala turin an ngen.
4. Prime Minister Narendra Modia chuan vawiiniah ni hnih thangin Sikkim, West Bengal, Bihar leh Uttar Pradesh te a tlawh dawn.

<><><>

WEATHER ALERT

India Meteorological Department (IMD) chuan Mizoram, Nagaland, Manipur leh Tripura state ah te vawiin hian Thlipui leh Ruahpui a thawh nat theih avangin fimkhur tura thurawn "Red Alert" warning a tichhuak.

Mizoram Sawrkar chuan vawiin hian zirlaite him zawk nan sikul chawlhah a puang.

Education Department thuchhuah tarlan danin khawchin zirchiangtuten vawiin leh naktukah ruahpui leh thlipui na tak tleh thei anih avangin zirlaite him zawk nan sikul chawlh hi a puang a, Aizawl Meteorological Centre Director Pu Sudheer Kumar Dwivedi a'n Akashvani palai a hrih danin vawiin hian Mizoram pumah ruah a tam dawn a. District hrang hrangah thli leh ruah nasa tak thawk thei anih avangin mipuite pawn chhuak tam lo turin a chah a, mipuite chu fimkhur a, leimin lakah leh thing tlu thei lakah fimkhur turin a chah bawk.

Hemi chungchangah hian Aizawl DC chuan thuchhuah siamin mipuite fimkhur turin a chah a, lei laih lai neite tan, leimin a thlen loh nan hnathawh zawhah uluk taka khuh hul tur a ni a. Tukverh leh kawngkhar nghet taka khar tur a ni a. Mahni ram chhung leimin hlauhawm awm te a ram neitute ten an khuh hul tur a ni a. In chung rangva thli lak mai theih te thawm that tur a ni.

Thli leh ruah thawh laiin electric khawl zawng zawng OFF vek tur a ni a. Lirthei motor reng reng garage ah him taka 'park' tur a ni a. Mahni in leh lo chhuahsan tur a ni lo a; inchhungah tawm him tur a ni a, chia i tur a ni lo. Tuihawk luankawr bul hnaiah kal loh tur a ni. Thli leh ruah thawh laiin lui ah leh lui hnaih ah tumah kal loh tur a ni a.

Khuarel chhiatna a lo thlen in mahni bialtu Zonal Officer te hnenah chhiatna thlen thu hriattir tur a ni a, engemaw vanga biak tlang theih loh an nih chuan Link Zonal Officer emaw ahnuai a number tarlang ah te hian report tur a ni.

<><><>

LADC

Lai Autonomous District Council a Chief Executive Member Pu N.Zanguran Lai Autonomous Dist Council hnuaia thawktuten hlawh an lakloh chhan chu LADC a ZPM Sorkar reilote a din chhunga CEM in fiahna a paltlang theihna tura Floor test neih a nihloh vang a ni, a ti.

Nimin khan Pu N.Zangura hian MJA Lawngtlai District hruaitute thingpui inpuin, LADC Chairman chuan CEM floor test nei turin ruahmanna a siam mailoh vangin ZPM sorkar laia Budget passed chu Governor in a pawmloh vangin hnathawktute hlawh hi pektheih a ni ta lo tih sawiin, LADC hnuaia thawktuten hlawh an laktheih nan Governor hnen ah ngenna an thlen tih Pu N.Zangura chuan sawiin, a hlawhtlinna pawh hmuhthuai an inbeisei a ti a, lehkha pawimawh bawhzui kawng ah hmalakpuitute chungah CEM chuan lawmthu sawiin, Lawngtlai East leh Lawngtlai West MLA te hmalakna pawh chhuanawm a tih thu a sawi a, LADC hnuaia hlawh lakloh chhan chu United Democratic Alliance te vang a nilo a ti a, United Democratic Alliance ten Governor chu an duhdan dana hruaikawi anga sawi awm chu belhchiandawllo, tute tan mah dan kalhin Governor chu hruaikawi theih a nilo a ti.

Tuna LADC hnuaia hnathawktute hlawhtur pawh a pung awmlovin State Sorkar sum puk tura ruahman a ni a ti a, LADC chuan Budget a la neihloh vangin an pawisa neihte hmantheih a la nilo niin Chief Executive Member Pu N.Zangura chuan a sawi.

<><><>

UNION MOS WCD

Union Minister of State for Women & Child Development Pi Savitri Thakur chuan Mizorama Sawrkar hmalaknate thlithlaia ni 3 cham turin Mizoram a rawn tlawh a,

Pi Sivatri Thakur hian nimin khan Durtlanga Women & Child Development hmalaknaa hmeichhe dinmun tleu leh harsatna hrang hrang tawk mekte leh naupang fahrah leh chanhai te puala din, Observation Home, One Stop Centre, Special Home, Shakti Sadan leh hmun dangte a tlawh nghal a ni.

Nimin tlai khan Aijal Club-ah Women & Child Development scheme hnuaia hnathawh hrang hrang review meeting a hmanpui a.

Meetingah hian thusawiin, Pi Savitri Thakur-i chuan Women & Child Development kaltlanga Mizorama naupang leh hmeichhe venhimna, hriselna leh dinhmun chawikawng tura an hmalakna hrang hrangte chu lawmawm a tih thu a sawi a. Chutih rual chuan Anganwadi Centre, kawlphehtha nen a la thlunzawm loh engemaw zat awm te, AWC 400 chuang Saksham AWC-a hlan kai la ni ve lo te leh Nari Adalat kalpui tan la ni lote chu chakzawk a thawktuten an bawhzui a tul thu a sawi a. AWC thawmthatna tur leh thawktu lak belhna tur ruahmannate chak zawk a buaipui tur a chahin Sawrkar laipui chuan tanpui an inhuam reng thu a sawi bawk a ni.

Social Welfare, Women & Child Development Minister Pi Lalrinpuii pawhin thu sawiin Mizoram chhungah Anganwadi 2,244 te tha taka kalpui mek a nih thu a sawi a. Poshan tracker atana hman tur kum 2018 a pek tawh smartphone leh growth monitoring device te chu a rei tawh avanga thlak a ngaih tawh thu a sawi a. Empowerment of Women Hub a thawktu thahnemngai taka hna thawk mek te hlawh punna tur inkaihhruaina a awm loh avangin ennawn sak turin Union Minister of State chu a ngen a. Mission Vatsalya pawh tuang taka district zawng zawnga tha taka kalpui a nih thu a sawi a, Child Care Institutiona naupang zawng zawng te Mizoram Health Care Scheme a ziahluh vek an nih thu a sawi a ni.

Ruahman lawk dan chuan Union Minister of State hian vawiinah Khawzawl leh Champhaia Women & Child Development hnathawh hrang hrang bakah department hmun pawimawh te tlawh dawn a ni.

<><><>

PADMA SHRI

Pu R. Lalrawna, Aizawl Electric Veng chuan President Droupadi Murmu hnen atangin Padma Shri Award a dawng a, Literature and Education huangah chaimawina hi a dawng a ni.

Kum 85 mi Pu R. Lalrawna hi thu leh hla lama a thawh hlawk avangin Padma Shri hi dawng tura thlan a ni a, Ministry of Home Affairs chuan Padma Award chi thum dawng turte chu January ni 25 zan khan a tichhuak a, Padma Vibushan dawng turin mi pasarih, Padma Bhusan dawng turin mi 19 leh Padma Shri dawng turin mi 113 thlan an ni.

Pu R. Lalrawna chuan Akashvani News Aizawl nen an inkawmna ah Padma Award dawn chu chawimawina ropui tak anih thu sawiin amah thlangtute chungah lawmthu a sawi a, a rin loh lama chawimawina a dawng tur chu a lawm thu a sawi.

Pu R. Lalrawna hi ziakmi niin lehkhabu eng emaw zat a tichhuak tawh a, thu leh hla lama a thawh hlawk avanga chawimawina dawn zingah Bhasav Samman Award (Sahitya Akademi) pawh a tel a, A lehkhabu ziah zinga Khawnglung Rûn chu Matric zirlai ah hman mêk niin lehkhabu lehlin Davida chu Translation Book of the Year atan thlan a ni bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

MANIPUR

Manipur-a MLA 10 rualte chuan nimin khan Raj Bhavan-ah state Governor Ajay Kumar Bhalla hmuin mipui thlan sawrkar din tura hmala turin an ngen. Raj Bhavan thuchhuah danin MLA te hi political party hrang hranga tel an ni a. Governor nen hian dan leh thupek chungchang leh politics dinhmunte an sawiho a ni.

MLA te hian Governor chu lehkha pe in a rang lama sawrkar siam tura hma la turin an ngen a ni.

<><><>

DELEGATES

DMK MP Kanimozhi-a kaihhruai all-party Parliamentary delegate te chuan Greece an thleng tawh a. Greek Parliament aiawh membrete nen inkawmin firfiaka chetna chungchanga India ngaihdan an sawipui a. India aiawh palaite chuan Greece-in India a thlawp avang leh firfiakte chetna a dem chu lawmthu an hrih bawk a ni. Parliament aiawhte hian Greece Deputy Minister of Foreign Affairs an hmu bawk a ni.

JD(U) Sanjay Jha-a kaihhruai All-Party Parliamentary Delegation team te chuan nimin khan Indonesia-a Jakarta khawpui an thleng bawk a. India-in firfiakte lakah ngaihnathiamna a nei dawn loh thu an puangzar mek a. Indonesia hma hian Japan, South Korea leh Singapore te an tlawh tawh a. An kalnaahte hian Pakistan-in firfiakte a thlawp thin an duhloh zia an sawi a ni. Sanjay Jha kaihhruai teamte hian vawiin khan Inter-Parliamentary Cooperation Group Committee Vice-Chairperson Muhammad Rofiqi an kawm a. Indonesia lam hotute pawhin firfiaka chetna an dem thu an sawi bawk a ni. Shiv Sena MP Shrikant Shinde-a kaihhruai team te pawhin vawiin khan Republic of Congo an tlawh zawh hnuin Sierra Leone an pan lehngal a. BJP MP Ravi Shankar Prasad-a team te pawhin niminkhan Rome khapwui an thleng a. Congress MP Shahshi Tharoor-a team te pawhin Panama an thleng tawh a. Panama Assembly President Dana Castaneda an kawm nghal a ni.

(Newsonair)

<><><>

PM

Prime Minister Narendra Modia chuan vawiiniah ni hnih thangin Sikkim, West Bengal, Bihar leh Uttar Pradesh te a tlawh dawn a. A cham chhungin hmasawnna hna thawh project cheng vaibelchhe 70,000 chuang man a hawng ang.

<><><>

CCEA ON MSP

Union Cabinet Committee on Economic Affairs hian Andhra Pradesh NH(67)-a 4-Lane Badvel-Nellor Corridor siamna tur a pawm. New Delhi-a chanchinbumite kawmin Union Information and Broadcasting Minister Ashwini Vaishnaw chuan he project atan hian Cheng vaibelchhe 3653.10 sen anih tur thu sawiin km 108.134 thui siam a ni ang a ti a. Hei bakah hian Cabinet Committee on Economic Affairs chuan Kharif crop chi 14-ah Minimum Support Price tihsan a remti bawk a. Loneituten hlawk zawka an thlai an hralh theih nan sawrkarin Kharif Crop-a MSP tihsan hi a rel tih a sawi a. Union Cabinet chuan Maharastra leh Madhya Pradesh tan rel kawng thar siamna tur project a pawm bawk tih sawiin heng project atan hian cheng vaibelchhe 3399 ruahman niin kum 2029-30 hmain zawh fel tum a ni ang a ti.

<><><>